

- KITÉ LANMOU SÒTI -

Fo nou kité lanmou sòti Annou kité lanmou sòti

*I ni ventan mé i pa ka janmen souri.
Alantouy sé lavi mé kò-y plen lanmò.
I pa sav sa pou fè, i pa sav sa pou di,
Pas i tou sel épi krab-li.*

Mé i ka santi tout kò-y tou piti, I ka santi tout kò-y ka pati.

*I ni trantan é li non plis pé pa souri,
Alantouy sé lavi mé san-y sé lanmò.
Pa ni ayen pou fè, pa ni ayen pou di,
Yo météy sel épi ti aids-li.*

Refrain :

*Sé pou sa fo nou kité lanmou sòti
Wi pou sa annou kité lanmou sòti*

*Sa yo lé sé prézans
Pou dousi tout soufrans.*

*Wouvè zyé, wouvè tjè, i ni moun ka soufè,
San palé, san plèhé, yo menm pé séré.
Souvan nou pé ba yo plis kè sa nou ka kwè,
Nou pa bizwen atann yo mandé.*

Refrain

*Dan la détres i pé ni yonn dé jès ki mové,
Yonn dé mové pawòl ki pé blésé.
An ti kares lè ou wè sa two lou,
Pé fè sa ki pli bel vin an gran jou.
Épi sajès ou ké konprann sa i ka subi,
Báy sa i bizwen pou dousi lavi.
Épi tandrès étenn soufrans-yo,
É limen lespérans an zyé-yo.*

Refrain (x 2)

Mé i ka santi tout kò-y tou piti, I ka santi tout kò-y ka pati.